

**NO. SOALAN: 32**

**PEMBERITAHUAN PERTANYAAN BAGI JAWAPAN BUKAN LISAN**  
**MESYUARAT PERTAMA, PENGGAL KELIMA,**  
**PARLIMEN KETIGA BELAS,**  
**MAJLIS MESYUARAT DEWAN RAKYAT**

**PERTANYAAN :      BUKAN LISAN**

**DARIPADA      :      YB DATUK ABD RAHIM BIN BAKRI  
[ KUDAT ]**

**SOALAN :**

**Datuk Abd Rahim bin Bakri minta PERDANA MENTERI menyatakan setakat manakah rancangan dan usaha Kerajaan untuk memajukan sektor pengangkutan awam darat di bandaraya Kota Kinabalu yang telah menunjukkan masalah di jalan raya disana-sini seperti pembinaan LRT dan komuter khususnya di kawasan tertentu.**

**JAWAPAN: YB DATO' SRI HAJAH NANCY SHUKRI**  
**MENTERI DI JABATAN PERDANA MENTERI**

Tuan Yang di-Pertua,

1. Untuk makluman Ahli Yang Berhormat, Kerajaan telah membangunkan Transformasi Perkhidmatan Bas Henti-henti (*Stage Bus Service Transformation - SBST*) sebagai penyelesaian jangka panjang bagi mengatasi masalah perkhidmatan bas henti-henti di negara ini.
2. Melalui SBST, mutu perkhidmatan bas berhenti-henti yang ditawarkan adalah lebih baik dengan kawasan liputan yang lebih luas, jaringan laluan yang mempunyai kesalinghubungan (*connectivity*) yang teratur, penggunaan bas yang selesa dan selamat serta perkhidmatan yang mengikut jadual yang boleh diharap.
3. Pelaksanaan SBST ini dilaksanakan secara berperingkat di semua ibu negeri di seluruh negara. Urusan untuk pelaksanaan SBST di Kota Kinabalu disasar untuk dimulakan pada tahun 2018.

Sekian, terima kasih.

**SOALAN ( 33 )**

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : BUKAN LISAN**

**DARIPADA : YB. DATUK ABD RAHIM BIN BAKRI  
[ KUDAT ]**

**SOALAN :-**

**YB. Datuk Abd Rahim Bin Bakri [ Kudat ] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan bilakah projek perumahan mampu milik, sewa beli di daerah Pitas yang telah diumumkan sebelum ini bermula. Adakah peserta dan pembeli berpotensi telah dikenal pasti.**

**JAWAPAN :-**

Tuan Yang di-Pertua,

Untuk makluman Ahli Yang Berhormat, sehingga 20 Februari 2017, sebanyak 26 Projek Perumahan Rakyat (PPR) merangkumi 19,424 unit rumah telah disiapkan di Negeri Sabah. Manakala sebanyak 8 projek PPR meliputi 4,585 unit rumah sedang dalam pembinaan dan sebanyak 4 projek PPR yang merangkumi 2,090 unit rumah sedang dalam pelbagai peringkat pembinaan termasuklah projek PPR Pitas yang melibatkan pembinaan 400 unit rumah. Dari pada jumlah tersebut, belum ada projek PPR di Negeri Sabah yang akan dilaksanakan melalui Kaedah Sewa Untuk Beli (*Rent to Own*). Namun begitu, pihak Kementerian sedia mempertimbangkan sekiranya ada keperluan dan permohonan dari Kerajaan Negeri bagi perlaksanaan kaedah ini di negeri-negeri termasuklah di Negeri Sabah terutamanya di Daerah Pitas.

Sebagaimana lazimnya mekanisme pembangunan projek-projek PPR di seluruh negara, PPR yang telah siap dibina akan diserahkan kepada

Kerajaan Negeri. Manakala bagi tujuan pemilihan nama penyewa dan pengisian rumah-rumah PPR akan diselaraskan oleh Kerajaan Negeri semasa pembangunan projek PPR tersebut dilaksanakan. Seterusnya kerajaan negeri akan menyerahkan kepada Agensi Perumahan Negeri/Pihak Berkuasa Tempatan (PBT) untuk tujuan pengurusan dan penyelenggaraan PPR tersebut.

Kementerian Kesejahteraan Bandar,  
Perumahan dan Kerajaan Tempatan

April 2017

**SOALAN ( 34 )**

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : BUKAN LISAN**

**DARIPADA : YB. DATUK ABD RAHIM BIN BAKRI  
[ KUDAT ]**

**SOALAN :-**

**YB. Datuk Abd Rahim Bin Bakri [ Kudat ] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan berapakah projek perumahan mampu milik yang telah dan sedang dilaksanakan dan dicadangkan untuk dilaksanakan di daerah Kudat memandangkan keperluan perumahan di daerah ini amat mendesak.**

**JAWAPAN :-**

Tuan Yang di-Pertua,

Untuk makluman Ahli Yang Berhormat, sehingga 20 Februari 2017, Kementerian Kesejahteraan Bandar, Perumahan dan Kerajaan Tempatan (KPKT) telah menyiapkan sebanyak 26 Projek Perumahan Rakyat (PPR) di Negeri Sabah yang merangkumi 19,424 unit rumah. Sebanyak 8 projek PPR merangkumi pembinaan 4,585 unit rumah masih dalam peringkat pembinaan dan 4 projek PPR yang merangkumi 2,090 unit rumah masih dalam pelbagai peringkat perancangan.

Bagi Parlimen Kudat terdapat 2 projek PPR, di mana 1 projek telah siap dibina manakala 1 projek lagi masih dalam perancangan. Perincian seperti yang berikut:-

Bil	Projek	Daerah	Status Pelaksanaan Projek	Bil Unit
1.	PPR Jalan Upper, Kudat	Kudat	Siap 2014	500
2.	PPR Pitas	Pitas	Dalam Perancangan	440
Jumlah				940

Kementerian Kesejahteraan Bandar,  
Perumahan dan Kerajaan Tempatan  
April 2017

